



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Instituta ab eo Academia bonorum colloquiorum.

[urn:nbn:de:hbz:466:1-46083](#)

dissertationem rerum cælestium redière.

*Industria
ad compa-
randam co-
piam san-
ctoris ser-
monis.*

*Instituta
ab eo Aca-
demia bo-
norum col-
loquiorum.*

Multum operæ ponebat in siluâ seu copiâ quadam colligendâ diuinarum rerum, quas inter colloquendum in commune proferret. Si quid rarum exquisitumque aut in concionibus, aut lectionibus publicis, aut priuatis adhortationibus, aut lectione super mensâ audiuisset, aut etiam legislet ipse apud sacros Auctores, scripto adnotabat. Sed duæ res præ ceteris in hoc studio longè præstansimæ fuere; prima, quod Superiorum auctoritate, cum seorsim in contubernio degeneret, inter Sodales illos suos instar Academiæ cuiusdam religiosæ instituerit (vacationum diebus, quibus in vineam itur rusti-
catum) quam ille non Academiam, sed Colloquia religiosa vineæ appellabat. Interdiu igitur, ad horæ spatum, in porticum aliquam aut apertum tuguriolum quodpiam conueniebant. Hic virtus aliqua proponebatur, plurius sententiâ selectâ, de quâ, conuentu proximo essent dissertaturi. Primis comitijs actum de fraternâ charitate, de modestiâ, de humilitate, de custodiâ sensuum, de sui ipsius abnegatione, de oratione, de tolerantia, de sanctâ animi alacritate; nam hunc ab eo descriptum ordinem reperio. Tum vni alicui corum dabatur prouincia hanc illamve virtutem definiendi, indicandiisque si quæ Regula,

JOANNIS BERCHMANNI. 101
gula, si quod Maiorum decretum, eam præ-
ciperet, eiusque faceret mentionem. Alius
aliquis referebat, quî virtutis illius actus in-
terni externâ possent exerceri. Huic cura
erat adducendi incitamenta quæ ad ample-
ctendam virtutem inuitarent. Illi erat mu-
nus impositum dicendi, quâ ratione ac viâ,
quibus item medijs, ad virtutem obtinen-
dam pertingeretur. Isti denique cautio erat
adferendorum exemplorum aut testium, qui
hac illâve virtute præcipue floruissebant. Qui-
libet sese ad impositam prouinciam strenue
per hebdomadam præparabat, dieque feria-
to in vineam coibant, loco constituto, deque
rebus propositis simpliciter breuiterque con-
fabulabantur. Tum sub finem permitteba-
tur vnicuique quæstiones de pertractatâ vir-
tute ponere: quibus expeditis, ad vitiorum
fugiendorum tractationem, eodem ordine
procedebatur. Viguit id institutum etiam
post Ioannis mortem, vigetque, ut audio, us-
que huc. Neque aliò hæc spectabant, quam
vt sese mutuò ad virtutem accenderent, & à
vitijs anocarent, simulque materiam collige-
rent rerum idonearum, quibus quampluri-
mos colloquendo iuuarent. Reperio autem
perscripta à religiosissimo Iuuene omnia
quæ in iam dictis conuentibus suo tempore
fuere pertractata.

G 3

Altera